

歐

北

集

甌北集卷七

起已卯正月盡一年

陽湖 趙翼 耘菘

過文信國祠同舫葦作末章兼弔李文水

鬚眉正氣凜千秋丞相祠堂久尙留南渡河山難復楚  
北來俘虜豈朝周出師未捷悲移鼎視死如歸笑射鈎  
何事黃冠樽俎語平添野史汚名流

三百餘年養士恩故應末造澤猶存半生聲伎勤王散  
一代科名死事尊滿地白翎人換世空山朱噉客招魂  
笑他北去留承旨也是南朝一狀元

戰罷空坑力不支拚將赤族殉時危死堅獄吏囚三載  
生享門人祭一卮血碧肯汚新贈諡汗青終照舊題詩

如何一本梅花發分半南枝半北枝

就縊神前手掩關又傳文水繼文山

明季李邦華殉節縊公祠下邦華亦公鄉人也故

知曠世心相感恰好同鄉跡再攀地本表忠真死所志  
同殉節肯生還傳芭曲裏神絃緊廟祀應增配食班

題吟薌夢遊竹葉庵圖

白傳學佛不學仙游山不歸歸堯率東坡先生慕仙者  
晚年好論養生術我爲閣筆兩相較枯禪畢竟苦戒律  
不如神仙足游戲詩酒聲色百不失此語空持付畫餅  
悠悠世網拔未出慧業旣慳作佛緣凡骨更乏成仙質  
張郎張郎獨何幸一夕樵陽馭超逸鍊神不用抱卵雞  
飛身已破處禪衲荒爲興今神爲馬前路殊難記一一

繁星如瓜時打頭穴雨作花或滑膝飢來却覓蕪菁香  
行處俄入簷管密西欄杆丁字簾中有麗人髮新櫛  
瞥見不敢發妄想恐被麻姑鞭背赤無端小鬟速客進  
具饌迴非儿棗栗餅麻之飯元霜漿酒杯三行茗碗七  
初猶旁睨但眉語旒旆平視不股慄神光正在離合間  
恰似鄂君憐擁楫斯須一別渺何許寥天無聲夜蕭瑟  
衣香酒痕猶在枕急起逐之去已疾笑君母乃貪成癡  
茲事何必究其實瑤臺幻境恣游覽此福亦是天所惜  
迢迢碧落竹葉庵天下幾人得津筏生時未必從此降  
死去未必在此歇遽然一夢要是豪人所未到君已謁  
不見甌北老生日酣睡神游不出地十笏

偶題

風雨寥蕭晝掩虛一編吟到夜窗虛厨娘莫聒瓶無粟  
我已修成乞米書

贈張廉船上舍卽用其柬心餘韻

海內生才亦有涯珠光今見吐靈蛇傳家故有科名樹  
搖筆能開頃刻花五尺量身猶不滿十行過目已無差  
問君何許文心麗莫是曾分乞巧瓜

生來才子便多情騷怨無端語不平摩詰詞華關夙世  
牧之春恨透三生人如花竹秀而野我愧文章老更成  
還與論心千載上莫將年少賭時名

苦熱

吁嗟乎天胡爲乎慘降此炎赫去秋不雨至今已將十  
弦魄雷公伏藏雨師避惟有織烏當空恣騰擲歆陽朕  
睽森角芒不作濕蒸作乾炙百川泉眼竭涎枯千里土  
脈龜兆坼赫烹餗威竟夜不肯散繁星皆紅月不自有  
時微雲黯黯似欲雨忽然化爲泠泠之風去無迹蒼霄  
如鏡無一罅何處得以洩涓滴翻嫌女媧當日太多事  
何妨聽其漏天而必補此一卷石繫我苦熱坐煩鬱寓  
齋數椽地又窄渾身忽遭八甕煨束手慘受烹鼎厄白  
汗翻漿浹胸背赤痂成粟徧膚革聊同禪子日捫關迄  
如病夫晝脇席趺望晴空萬里正蕩蕩上天下地無處  
不是赤骸積我於其間渺如滄海粟奚啻洪爐燎毛立

見作人腊沉吟掩卷忽自笑書生脆弱真不耐煎迫已  
聞旱久將成災

至每步躊躇圭壁吾儕竊祿太倉米不能噓雲吸雨助  
膏澤手中一滴地一尺猶然偃息在牀歎顚顚毋乃處  
觸不知惜况爾心冷如冰向中熱何以處夫病於夏畦  
之熱客

郊外散步

幽尋步林樾淺草道旁斜不爲無人看臨風也作花  
古樹圓如繖綠陰下不覺無人領此清黃鵲坐交語

次吟郊韻

人海音聲不可聞閒留我輩靜論文老鰥欲娶梅爲婦

好友應同竹號君跡訝乍交成舊雨情於小別感停雲  
雀羅門巷殷勤掃佇待西牕話夕曛

倚聲絕藝似珠圓鏤月裁雲過百篇花影得名張子野  
井泉到處柳屯田傳來曲部人爭寫唱入旗亭妓最妍  
笑我聾牙難入律銅琵琶上撥皮絃

愍忠寺石壇相傳唐太宗征高麗回瘞戰骨處

古寺重簷閣平臺五尺墩征東功已渺恤下蹟猶存貞  
觀方開國高麗失奉藩六師爰出塞萬乘自攻垣斬獲  
軍雖振傷亾士亦繁歸途收葬慘御筆祭文尊不凜佳  
兵戒徒矜掩骼恩一區開作塹萬骨聚爲屯豈乏功臣  
狗兼多君子猿忠皆兵死鬼哀到國殤魂碎或如蛇蛻



殘猶帶犢禪生無半面識死比並頭婚舂鋪填泥築蘂  
裡帶雨掀結蒲工不暇裹革例難援聊免羣烏啄差無  
餓虎蹲首邱終未遂京觀詎同論想見緇經座曾招剪  
紙幡歸隨遼鶴跡啼有蜀鷄痕陰陣空中嘯靈旗夜半  
翻血風臨穴臭燐火滿壇昏邱貉屍難認沙蟲命總冤  
異鄉悲塋旅故國羨歸元幸托空王近能拯新鬼煩叩  
鐘開魘夢施食慰饑殮喚醒沉冥路來皈清淨門枯骸  
滋法雨厲氣散朝暉事往今千載詩成紀片言由來戰  
爭地枉死徧郊原

恭和

御製喜雨十咏元韻

雨陣

誰向穹霄運握奇神兵指顧布魚麗乍疑叱咤風雲變  
旋訝虛空矢石施戰退炎官收火繖乞降旱魃倒牙旗  
真看天上將軍到歡過來蘇伐葛師

雨雲

黠黠彌空賦不消與他舒卷在晴霄陰來頓覺天將暮  
行處何須日以朝穹漢非池誰潑墨中天無海亦生潮  
絕勝紉繆書祥瑞六幕凝和氣最調

雨山

久晴山亦槁將童雨至先鑒萬木風急瀑如紳盤詰曲  
濕雲爲絮冒

入聲

龍從髻痕新沐傾盆裏膚寸原生觸石

中欲上層椒覽滂沛轉愁路滑躡虛空

雨田

方罫行行水沒犁川原彌望插秧齊油油耕覺烏犍駛  
漠漠飛看白鷺低渴土快如澆磈礪枯腴滿忽映頗黎  
度阡多少欹青笠飯宮家家餉婦攜

雨樓

雨勢尤宜高處看一層更上俯闌干  
牕虛早洒珠簾濕地迥原連玉宇寒  
簷溜如聞棋子落檻雲欲繞笛聲殘  
倒影寧須月滿灘

雨人

推移枉費柁師憂雨至能輕萬斛舟  
乘漲真同天上坐

沿溪不羨剡中遊野橋水没人呼渡  
御宿波深士習流却憶淺時牽百丈纜夫一里要三休

雨樹

林霏一夜濯新枝往日幾同百草萎  
枝榦仰天原望澤條枚得氣亦生姿  
顛回枯樹休悲庾豈浴空桑爲產伊  
不數襄陽好詩句梧桐清滴夜涼時

雨荷

洗盡纖埃吐艷姿未嫌待澤較開遲  
步生仙子凌波處座湧如來渡筏時  
翠蓋重逾晨露滴紅衣濕向晚風披  
從知積潤增鮮麗茶蘼朝來也似飴

雨蟬

插冠曾記壯朝常帶濕無煩煖炙簪似抱露花棲蛺蝶  
恰遮雨葉避蟬螂涼迎新爽爲寒燥潤帶殘聲過遠揚  
信有羽仙身最潔賽他香徑占蜂王

雨蚓

膏流地脈液旁行蠕動昭蘇竅作聲夔屈頸伸泥裏蟄  
蟻祥曾兆土行精穴居知雨原成性泉飲逢源倍樂生  
聖澤濺汪隨地驗肖翹微物亦含情

爲許松堂題亡姬小像

欲以美人傳必廿少年死倘或過少年其人已不美西  
施壽百年寧復吳王憐徐娘自知老專恃多情牽武盟  
佔六郎亦脇以威權不然蓮花面肯伴此姬眠乃知絕

世姿不貴長命延何哉君癡絕痛此嬋娟質畫山臨歿  
貌問年纔十七歎其不久存滴盡愛河血君方爲姬悲  
吾且爲姬喜留此初開花賺得君淚泚試從此別後預  
想頭白容知君惋惜情不復如此濃

同北墅漱田觀西洋樂器

郊園散直歸訪奇番人宅中有虬鬚叟

欽天監正劉松齡等皆西洋人

出門

敬迓客來從大西洋官拔義和職年深習漢語無煩舌  
人譯引登天主堂有象繪素壁靚若如射仙科頭不冠  
幘云是被周孔崇奉自古昔再遊觀星臺爽塏上勿羅  
玻璃千里鏡高指遙天碧日中可見斗象緯測晨夕斯  
須請奏樂虛室靜生白初從樓下聽繁響出空隙嘈呶

無射鐘嘹唳。狔賓鐵淵淵。鼓悲壯。坎坎缶。清激鐸于丁。  
且寧磬。折拊復擊。瑟希有餘鏗。琴澹忽作霹靂。紫玉鳳唳。  
簫烟竹龍吟。笛連柁。枹底頻櫟。鉏鋸脊靴耳柄。獨搖  
笙舌炭。先炙吸嗟。竽調簫節。簇筳赴拍。篴疑老嫗吹。筑  
豈漸離擲。琵琶鐵撥。彈纂箏。銀甲畫寒泉。澁箏篴薄雪。  
飛箏篴孤倡。輒羣和。將喧轉稍寂。萬籟繁會中。縷縷仍  
貫脈。方疑宮懸備。定有樂工百。豈知登樓觀。一老坐搗  
擘。一音一鉛管。藏機捩關。隔一管一銅絲。引線通骨格。  
其下鞠風橐。呼吸類潮汐。絲從橐罅。綰風向管孔。迫衆  
竅。乃發響力透。腠理若清濁。列若眉大小。鳴以臆韻。仍  
判宮商器。弗假匏革。雖難繼韶濩。亦頗諧皷釋。白翎調。

漫雄朱鷺曲未敵奇哉創物智乃出自蠻貊緬惟華夏  
初神聖幾更易鸞鷟肇律呂秬黍度寸尺嶰谷截綠筠  
泗濱採浮石元聲始審定萬古仰剏獲迢迢裨海外何  
由來取則伶倫與后夔姓名且未識音豈師曠傳譜非  
制氏得始知天地大到處有開闢人巧誠太紛世畧休  
自窄域中多墟拘儒外有物格流連日將暮蓮漏報酉  
刻目爲鐘歸將寫其聲畫肚記枕席

題總憲劉繩菴師鏡影圖

人生最苦事有目不自見瞳神空炯然昧此一尺面古  
人省躬處衾影爭一綫我我相周旋伺察最可憚受矻  
神或局聞規耳或瑱一覩真面目中藏弗能窺是以欺



嫌開返觀所必先我披鏡影圖內勘意何狷旁無矇叟  
誦坐少擯相贊獨此大圓覺寫山全神現布景謝繁縟  
著色屏彩絢一泓止水澄滿輪明月燦精彩迴相注鬚  
髮了可辨眸容顧輔生爽氣眉宇徧緣知燕閒時時復  
借鑑看兩我互証處相關不容間癰豈傷道腴肥亦快  
勝戰禪身彌內歛結念罕外散豈同波斯匿徒慨童耄  
變翻如面壁禪正法眼獨擅陶家形影詩母乃猶誕設  
釋氏百億軀其義更落幻踐形西銘篇鑒水尙書傳千  
秋大儒業樹立在明旦

題吟薌所藏扇頭美人

便面風流在留藏三十春爲雲巫峽女臨水洛川神知

是誰遺照多應自寫真  
伴君孤館夜彷彿翠眉顰

戲題姮娥奔月圖

碧天清怨有誰知  
奔月非關竊藥馳  
如此容華嫁窮羿  
教他那得不分離

穀率能摧九日精  
何難射落月輪明  
尙留桂館藏嬌地  
此老當年也有情

大雨倒牆戲筆

鳴簷三日雨淋浪  
推倒苔垣一丈長  
并使相如無立壁  
或傳夷甫竟排牆  
蝸涎作字難留迹  
麕眼編籬且畫疆  
除却青瑣本何有  
不妨恃陋少隄防

曾笑冰山易作泥  
不虞識在小庭西  
故人來訪應排闥

鄰女如窺兔上梯亂石已妨行藥步濕塵先掃落花蹊  
最憐十五蕭郎竹也復鈴竈被壓低

題唐明皇馬上擊毬圖

天寶昇平徧四輿先幾未兆銜花鹿九華殿已舞羽衣  
千步場兼習皮毬誰其從者一貴妃又韓虢秦三阿姨  
禁烟初過賜新火平明結束黃金羈古人橈革蹴以足  
此獨馬上用杖撲杖頭紅拂妙轉旋左撥右挑工起伏  
一毬突出廣場飛君王控騎先追逐錦韉玉勒四蛾眉  
齊着珊鞭闕誰速遊龍戲珠爭奮爪流星趁月難瞬目  
奔馳將及忽折回一拂驅之往而復是時美人更逞姿  
翻若驚鴻翥平陸回身或疑薛夜來反腰直比孫荆玉

縱使吳宮教戰嚴，嫺習無煩申令熟。興酣樂極日西斜，  
墜履遺簪紛可掬。至尊含笑策奇勳，餅金斛琲輦來分。  
直自平陽公主後，又成一班娘子軍。宮中力演白打技，  
塞上亦演超距戲。一旦漁陽鼙鼓來，驍騰卽用趕毬勢。  
可憐鍊就走馬工，只供倉皇避賊計。嗚呼！一租區區何  
重輕？江山遂入袞弄傾。始悲五色毬空好，不及千秋鏡  
最明。

### 暑夜戲筆

暑夕愛孤眠，我眠豈真孤？六尺黃琉璃，鋪之皂羅幬。引  
睡有黃妳，伴寢有青奴。左抱而右擁，長夜爲歡娛。閨人  
不相妬，翻送斗酒需。貧官享此福，毋乃太侈乎？

書名黃妳竹  
几名青奴

飲倪敬堂少僕寓齋次韻

仗有通宵飲能消急景馳酒監三約法闔戲七稽疑燭  
影翻燈海甌香滓茗旗醉歸應犯夜已是曉鐘遲  
古來名利路行者盡如馳作婦公孫衍爲卿子叔疑酒  
兵君拓戟詞壘我舉旗一笑皆迂客生天未免遲

心餘舉第四雛走筆戲賀

珠果犀錢慶洗兒充間佳氣溢深庖琪珪玕璫今全備  
不羨王家更五之

勞苦功高下種勤人天應策種民勳  
安穩他年萬石君

漫呼天上石麒麟墮地先愁父業貧昨夜天因星象見

又添一耗太倉人

與耐亭寄園步月

官暇無公事交親有比鄰  
荒園三畝地明月兩閒人  
語味清談雋詩情白戰真  
誰知人海裏得此豁襟塵

送陳玉亭出守

黃花驛路正高秋五馬前  
驅指豫州三十歲人新  
太守二千石吏古諸侯  
韋平家學傳黃閣  
嵩洛名山擁絳騶  
看取政成襦袴滿汝南  
坐嘯繼風流

三年簪筆直承明尺五  
原來地望清幾輩飛騰  
誇得路先生談笑獨專  
城烏非漫畫何嘗餓馬  
對方歎不覺鴈尊酒送  
君還一笑同時才彥正  
觥觥

江頤堂上舍以病不能終試詩以慰之

廿年文陣號雄師翻到臨關力不支一夜人傳先落榜  
半篇文似不全碑漫同白蠟經相笑難爲黃門病改期  
雲物薊邱秋正好與君同醉菊花卮

贈相士彭鐵嘴

古人相法相心曲豺聲忍鳥喙毒鴛肩躁牛腹黠初不  
專以論禍福論之實始周叔服由也不得其死然孔聖  
亦似據此卜自後唐舉及呂公下至麻衣道人柳莊翁  
一十七家術愈工配以五岳四瀆辨向背分以五長五  
短六極六反斷吉凶我思人面各一尺就中列五官雙  
者自雙隻者隻位置未聞有變易何以千百無一符此

實化工示竒迹相者因之測天思固應巧中若著策彭  
生挾術遊長安一朝名動公卿間終身能以立談判自  
稱鐵嘴無欺謾生乎吾語爾從來驗者可屈指髡黥或  
眞王將相或餓死眉長過睫文譽高耳白於面盛名起  
骨如多遜具貴微目似王敦名禍始一雙鬼眼少宦達  
半箇軍頭終竄徙斯皆經驗方操券可比擬然而按舊  
譜有時亦錯迕褚蘊從理竟溫飽庾翼豐頤乃貧窶徐  
陵宜天亭耆耄柳渾宜賤躋台輔此又何處差毋乃術  
莽魯何況李嶠壽在息元忠貴在怒倘非值其驂酣與  
色變懜藏天綱也坐誤感生爲我論窮通問生此術會  
否精研窮不然若但矜皮相對鏡我亦能自量幸免鼠



目求官譏本無燕領封侯狀筋猶束骨未名殃屑不著  
齒或招謗豈望冒閒黃上來聊守鼻端白無恙

賀舫舛輓詞

履綦忽漫失斯人素行羣推賀季真不脫寒酸存本色  
每逢唱咏用全神修蛾未肯描新樣羸馬常甘步後塵  
莫訝哭臨多淚雨貧交十載最情親

嘔盡心肝爲決科一官纔得遽沉疴命窮真比夏畦鬼  
身死未醒春夢婆絮酒我同蠅作弔過門客已雀堪羅  
關心最是元亭草誰與編排束筭多

蒿徑淒如仲蔚居瓦燈布被了無餘翻令健婦供親膳  
祇望孤兒讀父書一束有芻人已渺連舟無麥苗終虛

潞河亭外斜陽冷腹痛歸喪薄笨車

平定回部饒歌

露布星馳萬里風

廟謨指顧定膚功大荒西去無征戰回鶻城頭馘兩雄  
伊犁定後拓堯封寧復佳兵更選鋒馬到

天關蹄萬里人來月竊跡千重

雪窖窮酋久縛雙特教仍擁舊旌杠

至仁網自開三面詎忍先防反吠厖

逆酋波羅泥都及雷集古  
舊爲準夷拘於伊犁我

朝平伊犁後特釋之俾歸  
統所屬不意其反噬也

絕漠兵塵又一時入懷窮鳥轉張鷟天西萬里堅昆部

蕩掃重煩問罪師

當轍寧知臂力微潛軍敢救庫車圍鄂根河畔流屍滿

千隊回人不半歸

我師攻庫車城敗其援軍於城下

廟謀方密將謀疎釜底翻驚漏網魚戎幕烏啼軍尙卧

漫籌穴道抵衝車

主兵者方穴地攻城而賊酋已遁

易將重教架虎嵎凱旋壯士再長驅先機一著誰籌及

傳箭增兵已在途

上更命將軍兆惠等進討并慮軍力未厚預調兵應援

于闐古部早來俟臺酸酬漿列隊齊採玉河邊軍曉渡

始知世有水流西

懸師深入遇蜂豺血戰孤軍黑水涯我馬已疲人自勇

重圍枉作堵牆排

我師深入以馬力疲被遮於黑水

旗鼓眞從天上來赴援百道疾如雷發兵寧待前軍陷

數月前頭

詔已催

轉戰經旬氣益振名駒又蹴敵營塵突圍萬賊中間出  
檢點何曾失一人

阿克蘇城暫駐軍出關駝馬早千羣怪來邊地無輪軌

萬里芻糧川組纒

大軍回駐阿克蘇上命以布帛就回民易粟用官內地饋運

兩道分兵斷互援漫憑雙窟固藩垣握奇旣掣連雞勢  
犄角先摧駭鹿魂

枹鼓先聲賊膽寒各攜輜重走躊躇好家居已全拋却  
先滅攻圍一半難

天兵纔到競開關膜拜遺黎滿閭閻約法數章勞面泣

始知身隸

帝紘間

受降城築極西天盡買犁鋤罷控弦戎索仍輸三壤賦  
羌人初使五銖錢

鐵騎窮追寇遁宵旄邱何地托飄搖穹廬煮革寒烟外  
乞活能支幾暮朝

草木兵威抵鐏饒驚弦鳥已墮鳴髀失羣剩有孤飛影  
何處空林更結巢

波羅泥都先  
盤於亂軍

拔達山前索遁逃敢誰複壁護持牢於期頭在終爲禍

流涕荆軻一把刀

拔達山回部以  
霍集占首來獻

長翟雙如首著戈機槍星落大荒多梟來菜市南頭挂

曷鼻頗顙兩鬼魔

嚴更宜喚紫雲車爲到紅旗萬里餘親向

壽康宮送喜觚稜未曉月初斜

升中燿火炳蕭薌肆類明禋答

昊蒼早覺兵氛銷六幕泰階風景盡文昌

鴻號頻辭赫濯聲特頒解澤潤寰瀛却聞父老翻爭訝

內地何曾識用兵

蕩洗兵戈四塞寧辟雍紀績又碑亭

雄文偉烈俱千古

御筆從天自勒銘

銜命諸王肅祭陵

橋山弓劍炳神燈經過松杏山前路又覺周疆一倍增  
中華文字到遐陬番漢書看互校讐回鵠城邊碑十丈  
天章長照海西頭

禮隆郊勞 駕親臨下逮偏裨也紱簪刀劍舊藏文緒  
裏豈徒挾纊結人心

崑崙天外孰曾探聲教今真率土覃西域傳中三十六  
又添典故史家談

大食名刀持獻寶千園寶玉貢盛匱何須更侈登封瑞  
此卽西方比翼鸞

一統車書大覆函持盈

睿慮倍寅嚴從知兵甲全消日文德逾敷萬國誠

南苑大閱恭紀

雪晴南苑曙光臨  
翠輦親臨閱武來  
千步廣開盤馬  
地一旗高颭  
瞭鷹臺風雲捲陣  
戈揮日烟燄騰霄  
礮震雷特許遠夷  
觀壁上威聲早過  
白龍堆



甌北集卷八

起庚辰正月  
至辛巳正月

陽湖 趙翼 耘菘

元日早朝

彤庭冠佩賀元辰  
今歲朝儀分外新  
雞鹿塞俱編屬國  
麒麟閣已畫功臣  
呼韓稽首班行肅  
契必駢肩宿衛親  
紉纓五雲金闕開  
闕下一作下一一作一家

偕北壁青來壽雪蔭亭竹軒郊園納涼

退直日未夕  
蕭閒無塵機  
素心四五人  
聯步穿林霏  
一鷺背前導  
斜飛過釣磯  
層巒多古松  
大者皆合圍  
藉草坐其下  
空翠襲葛衣  
日仄松陰轉  
吾亦隨之移  
流連不覺晚  
披襟清忘歸  
皓月忽已出  
清輝流翠微

哭汪幼泉民部

不謂吾師後驚傳冢嗣列門庭望弓冶名字是醒關官  
未施行馬人猶愛及烏盛衰何限感賸有淚痕枯  
別來三年久哀從兩世增師門今遂替天道竟安憑鶴  
髮悲應極鵠原力未勝敬容殘客在報答愧何能

于闐玉歌

驛馬奔車汗流足將軍遞到于闐玉大小磊落三十顆  
生牛皮裹牢結束白作截肪青蔚藍縹澤皆如水新沃  
觚稜初曉肅奏進光映朝霞炫人目此邪遠隔玉關西  
洪荒以來未內屬崑崙西流入其境分三玉河烏白綠

見宋拓論子  
關行記

少時讀史疑天外何處西域三十六張緡使節

空經臨呂光兵威未降代豈知今日入版圖川索新恢  
過身毒此玉遂充方物貢水漲撈來不煩督足覘我

朝德威溥地盡九垓悉燾育君不見天寶初載索西費  
興師勃律武功黷衰糧轉戰四萬人海激成冰一朝覆

見西陽雜俎

又不見大觀年間造八璽遣使往求幣滿籠答書

竟號獅子王國寶雖成國體賣

見辭官紀聞  
昔年聞事

卽今細載來輪

蹄習見翻似豐年穀試披往牒徵典故此事古來見者  
孰傳之史策垂無窮應笑漢家侈邛竹

### 古北口

設險人增一堵牆天公寒燠豈分疆如何一樣垂楊樹  
關內青青關外黃

驟雨

蟄雷轟脚底驟雨注峯巔風吼千山樹天低萬竈烟馬  
驚拳似蠅帳拔舞如鳶忽漫高空掃義輪又朗懸

次韻倪敬堂僕少過玲瓏山之作

山行日日馬首東慣見岡阜如遊龍忽然高崖挿天起  
幻出十里玲瓏峯佳名傳是

御題賜倍覺峯勢增玲瓏健鬣森開巨魚脊萬古排立  
摩青穹但疑斲削五丁手詎藉雕鏤工僑功表延如屏  
薄如紙幾恐片片吹落隨罡風嵌空一竅更誰鑿如大  
圓鏡懸虛空嘘吸朝霏味寒秀透漏旭景光瞳眈橫吐  
風穴聲萬籟側穿月窟翳一重惜哉拋落甌脫地空自

岌業排如壘洪荒以來未有人跡到七十二代徒向云  
亭梁父誇登封茲峯倘得托區夏當與岱松嶽藕日觀  
雲海相爭雄何至鬱鬱久埋沒韜竒潛采應霧蒙但有  
牧童橫笛卧淺草樵夫持斧尋深叢彼方身在畫中不  
自覺那能標舉勝概傳郵筒豈知山川靈秀待時顯入  
我朝始光照融向來廣莫之野罕過問一旦包入長  
楊五柞周陟中忽如一鞭驅之到禁籞不煩畚鍤移  
愚公吾

皇更爲肖形揣稱錫嘉號益使匡廬面目呈真容譬若  
涓濱釣叟老不遇忽經後車卻載稱非熊千年古松偃  
蹇深澗底匠石一碩作棟隆峯平峯乎可以慶遭逢從

此名敵泰華尚不比武陵遠  
銅鑿子國豈同仇池屈陷  
氏王宮我生到此信何幸  
得從甫草歌車攻況有勝侶  
老詞伯

帝後第七車是倪寬翁相與緩鞭恣游覽  
橫看側看奇無窮君家錢塘山水窟  
尙有兩高三竺堪支筇伊余生  
長陽湖畔假山僅藉壘石充今朝不覺歡喜讚歎得未  
有開闢眼界觀鴻濛欲做五臺五座大耆嘯不數九華  
九朶青芙蓉亟拈秃管和強韻要記雪泥爪迹附塞鴻  
次韻王禮堂光祿木蘭枉贈之作

霜天藉草共論文閒對荒原萬馬羣  
如此雅懷良可笑自慚少作久應焚  
針師門豈嫌人販隣女光應許我分

却喜結交從塞上向來京邸漫相聞

書生袴褶狀如何非我能騎馬善馱此地只應知己少  
如公始可患才多經綽東土非三竺水徙南流失九河  
戎帳一樽談古學兩癡不覺到顏酡

扈從途次雜咏

帳房

陸居那有屋布幕羃荒陲地恰規方丈天惟隔一層常  
分茅店月敢擬幔亭燈風雪聊堪蔽求安本未曾

風旗

帳房所在各立  
旗以爲識別

危竿旗色別卽此是心旌不畫龍蛇動偏分赤白明遙  
知戎帳在略似酒帘輕人馬皆能識於斯悟用兵

土竈

掘地爲竈

莫笑塵生甑由來掘地炊柴爨無老婦葺食似潛師詎  
仿風爐製聊存土銚規行圍非禦敵不川減增爲

晃燈

夜則懸燈於竿亦以識別

懸燈形製異識別爲宵行陸地成星海荒原列火城方  
圓無混雜三兩各分明訝許冰霜夜何來萬點螢

行牀

可疊如湘扇將懸少戶楣粗寧煩象飾低恰稱龜指百  
尺高何用五更盡輒移尙憐僮僕輩席地草紛披

矮桌

高惟憑寸木方豈僅三隅攤卷宜早論摸稜敢短踰當



筵趺坐慣隱几鞠躬劬或作齊眉案侏儒所必需

馬繩

繫大繩於竿所以拴馬

曠野無閑廐長絙繫短桅似將綿蕞禮欲範跡馳才也  
比金羈絡非銜鐵騎收繫維終雅意爲恐遠颺開

駝筐

以柳爲之盛器什負於駝背

織柳裝家具封駝力素諳製原從曲木用恰抵都籃豈  
壓明蹄重偏宜腫背擔亦知車載好深恐阻層嵐行李亦  
載者每遇險阻輒後期  
不如駝負之可以必到

銅硯

狀如方匣以絮漬墨汁實之可以蘸筆以其便於攜帶也

斲石姿能潤澄泥質亦良誰知銅穴臭也染墨花香蘸  
慮霜毫禿磨將盾鼻當桑僑還用鐵此製亦何妨

皮包

以裝衣被

巾箱嫌易礙襪被此堪攜腹大何空洞皮柔少角圭能容真有量最軟任相擠緘口懷韋佩鴟夷漫滑稽

既裏物則結其口

皮碗

皮爲質髹漆之

木豆深防褻金盤太覺奢名從陶復穴拔出革工家不慮翻羹碎難供鼓缶嗟只嫌髹漆氣未可用烹茶

火鑷

雅製鱗同佩神功燧共靈此金能尅火似刃礮千矧寸線驚飛電千芒迸亂星隨身攜燭具一笑比流螢

短褂

短後衣原古戎裝稱服驂十圍腰欲露半臂手難函

半古

臂之製想類此

褻袂雙非隻明本一可三

褻袂短有袂此則兩袂皆短明衣一身有半此則僅半身而已

僥如著此或尙覺麤麤

### 戰裙

縛處藏純袴披來露繡襦何須白練製畧竝錦韞長衣  
反居裳內男偏作女裝裙腰青草色相映道途旁

### 幔城

裁布成城郭斯須百堵移白疑圻者聖速豈化人爲圖  
壁非疊舍重輪似月規笑他蒸土築空費十年期

### 璫廬

畧用紅璫蓋全裁白氎光穹廬原北俗

圖爲蒙古包

方幄號西

洋

方者曰西洋房子

軟不鳴簷雨皚疑有瓦霜營門千帳拱

帝座在中央

御道

廣陌平如砥 觚稜界兩旁

兩旁起高  
稜如膝

過山連鳥道到水接

虹梁汜掃居民守奔馳過客防看他望幸意直抵古衢  
康

便橋

御橋旁別築一橋隨  
從者及輜重皆行之

跨水橋添築分岐路偶雙窄寧同畧約堅已勝徒杠雖

少紅欄柱仍支白石瓦

多累石  
為橋柱

秋來霖潦減應少怒濤撞

病駝

伏地寧探水郎當疥滿胸風聲酸一國山骨寫雙峯只  
好銅街鑄兼難翠釜供僂行憐郭老此日太龍鍾

羸馬

千里追風足如今作廢才識途嗟老病戀主但鳴哀過  
騎誰憐此飢烏已啄來做帷安可得砮砒入黃埃

割草

本蘭中遍地皆草既佔地卽割其草以秣馬

行難聊除也兼堪秣我駒不搗三品料但束一生芻

木蘭

草最肥飼馬不用豆

詎劉陳根盡愁逢野燒枯倦來思小憩還作綠

茵鋪

打柴

木蘭中各取山木爲薪無禁例

糧有牛車載薪寧馬欠燒材原多械樸園不禁芻蕘刷  
趁摧枯勢擔乘射的颺日斜方待爨莫作爛柯樵

唧嘍喊

謂喊叫者營中禁此甚嚴置卒巡邏

肅肅鈞陳靜司囂按路稽跡如尋響卜威可怖兒啼日落惟鴟噪風清或馬嘶無譁見軍令萬帳出聲低

苦拖力

國語謂  
僮奴也

等是人奴耳憐渠更苦辛採柴攀嶺木看馬宿車輪憔悴成人腊淒涼羨鬼薪却聞纔得暇博進又爭緝

此輩多  
好賭

買賣街

賈人隨營  
設街貿易

負擔來成市熙熙爲利忙屢疑夫布製列布帳  
爲市帳貨取子錢償也似遯墟闢居然列肆長見珍因物罕敢怨價增昂

入木闌久則物  
益少而價益昂

蒙古營

蒙古王公率其兵從獵者  
在營門外數里另立一營

數里營門外穹廬滿淵阿華言應不曉剽氣覺偏多食

但烹羊酪行還跨橐駝年年供獵騎哨路熟林坡

棒椎峯

在熱河平岡上突立一峯如椎俗稱棒椎峯

峯頭驚子立石筍忽然生頗似金莖狀殊慚玉杵名空  
中禪棒喝月下搗衣聲遠壯行都色孤標接太清

羊腸河

木蘭中溪河甚小而曲俗名羊腸河

深山無畎澮水到自渠來斷續疑千結縈紆似九迴清  
原腸可滌勞豈掌爲開若近長安道堪流山水杯

塌子頭

蒙古語謂沮洳地也過之虛陷泥淖

沮如原非地灰連草幾層歸墟浮水出息壤積塵疑失  
足愁旋凜驚心似履冰沿邊疾驅過人馬共兢兢

達巴罕

蒙古語謂高嶺也

蜀道難真見青天一線通人行飛鳥上馬踏亂雲中一  
落愁千丈三休到半空更憂輜重阻露宿滿山風

每過嶺輜重難

行或遲數

日始追及

入古北口

路從雲霧下崔巍響踏空山落葉堆投棧馬嘶歸意急  
八關雁帶峭寒來新茅縛把增簷角老樹刨根作炭材  
又是一番風景換好將月令譜郊郛

曉行大寒

五更起來寒大作孤燈無光耿戎幕重裘如裹鄧艾氊  
出門不覺同紙薄上馬未敢驟加鞭爲恐一蹶折凍腳  
殘雪在山月在地清興方將逐寥廓寒威刮人鉅於刀



透入層層掣筋絡但覺兩足非我有更恨雙耳無處闕  
舌避空思捲入喉齒寒若或挂其齧沸湯煖酒熱粥糜  
有錢難買一桮杓可憐鼻息結在鬢滿口冰稜白光皚  
少年面目忽作翁僮僕相看盡驚愕

文端師兩子

承需承霽

余授業弟子也自其兄民

部君歿後余致書囑其以吾師

諭葬事詣闕謝

恩茲以孟冬之杪入都余請於春和相公代爲陳奏是

日蒙

恩召見瀛臺以民部君廕官

賜霽而

賜霽舉人余

日覩曠典不勝額慶恭紀二律

兄終官及弟此事古何嘗

聖主恩真厚名臣澤故長  
鎖闥增放榜粉署乍含香  
頃刻瀛臺路三看拜

寵光

初召見詢家事旋各賜舉人  
繼復官需一刻間凡三謝恩

自天來喜信感極老門生  
仕籍今堪繼師門遂不傾懷  
賢

聖主意念舊相臣情游說慚何力  
曹邱浪得名

觀回人繩技

走索之戲晉樂志及文選注謂以繩繫兩柱人行其上  
是其索乃平繫也今內地有能之者回人則立一長木

斜繫一繩屬於地步  
而直上尤號絕技云

險竿矗天五十尺拔地孤撐少  
墻壁其旁斜出十丈繩  
短杙繫之堅株石彩虹影掛寥  
空高紙鳶線入青冥窄

了無階級叠層層詎設梯桄排節節誰何健者獻技來  
曷鼻虬鬚眼睛碧猿臂未解左右射鳶肩豈有大小翻  
手持一木當胸橫輕重兩頭取相適奮足忽如履平地  
直上不藉人扶掖懸藤裊裊獼猴行釣絲搖搖蜻蜓立  
斯須更進竿頭步獵獵罡風迎而拍觀者睜胎舌盡吐  
深愁蘼粉碎一擲整暇故出一足翹盤旋或作雙趺結  
令威華表留鶴爪王喬絳闕馭鳬舄呀嚵更復操蠻謳  
要使廣場歎嘖嘖神哉技乃至乎此肉飛仙人不足嚇  
古不庭今入幅員受屈役絕藝洵過龜茲樂盛事更勝  
越裳譯太平物色於此徵莫但看成一戲劇

見北史及趙崇綸雜劇編

問渠遠自回鶻來戎索新恢就俘獲勃律天西

春和相公四十壽詩

扶桑弧矢掛青旻黃閣開筵正早春賜券功兼官將相  
秉鈞身是國勲親萬間廣厦胸恢廓千頃澄波量渾淪  
平格何須多祝頌天教霖雨潤斯民

早曾授鉞帖番酋帷幄今逾著壯猷朝議盡疑疆外事  
廟謨獨倚席前籌平淮力贊惟裴相佐漢功成首鄩侯

蕭何國封南陽之鄩與贊同音或讀爲囂則地在襄陽非何所封也見資暇錄等書

多少凌烟褒鄂將勲班孰

竝最高頭

紫光閣圖畫功臣公居第一御贊有云西師之役惟汝子同鄩侯不戰宜居首功

一德堂廉喜起歌手調伊鼎奏葵和虛舟相度猜疑少  
連茹人材長養多 溫室樹前頻贊畫小車花下亦經  
過從知四海蒼生福當國名臣髣未歸

綺筵樂事艷稱觴花信風前日漸長燈節過猶留璧月

冥辰正月二十一日

沙堤高更接銀潢

公子爲補

笙歌紫府仙音郎觚爵

黃封法酒香共向五雲瞻氣象台階福曜亘榮光

文端師二子初入京舊時賓客皆目笑之以爲何

所望也及遭榮遇或又謂余有畫策之能抑知

聖天子垂念舊臣久而弗替豈臣下所能仰窺萬一乎

詩以誌愧

葛帔西華傍路塵昔時賓履更誰親豈應成季勲無後

亦恐田橫客笑人一代特開新郵典

應管既歿移賜其弟此例從來未有

九重自念舊勞臣衣冠儼孟慚何與劇喜師門免負薪

甌北集卷八終

甌北集卷九

起辛巳四月  
至癸未春

陽湖 趙翼 耘菘

臚傳紀

恩四首

玉殿臚聲肅早朝雲端仙樂奏虞韶班依雉尾開宮扇

時先龍舟奪錦標

向例臚傳在五月今  
改四月二十五日

四海人才文一等十年

場屋蠟三條生平望此如天上何幸今真到絳霄

三唱依然伏地堅

今甲唱名至三聲猶伏地  
不起鴻臚官掖之出班

緣知仕宦戒爭先

無才名敢羞王後有客書能炫趙前

東坡詩雖趙  
前頭且炫書

蓬島雲霞

曾到頂洞霄班位總稱仙已慚鼎足猶非分敢望巍科

第一傳

走馬長安已老蒼多慚人說探花郎來從金水橋中道  
出有天街繡兩行恩重始知無可報才微自問有何  
長官花插帽生輝處也比山妻瘦面光

却憶燈窓弄墨九先公珍作掌珠看弱齡時已期今日  
舉世人皆艷此官一第倖成偏已晚九原雖笑對誰歡  
只餘簫鼓喧迎處略慰慈闈兩髻殘

寫真詞

寫照全將面目移那堪風格尙招疑木蘭莫道誰能辨  
怕有人還著眼窺

變相觀音換本來金光影裏又相猜不參皮相參神相  
如女生平也有才

贈寫照沈錦

世人論畫重山水花草翎毛仙佛鬼畫人亦只畫古人  
寫照雖工固所鄙豈知繪事此最難未可憑虛信手擬  
伏勝授經圖摩詰子敬書裙摹老米

王維有伏勝授經圖米  
帶有王子敬書練裙圖

但

取神采不取形苟得其意一掃耳試起昔人相比對未  
必風貌果如此寫照乃以人爲的毫釐差輒謬千里刻  
劃模成印板中玲瓏影取帷燈裏穠纖相稱配瘦肥毛  
髮欲動肖悲喜事兼束縛與馳驟依樣葫蘆豈薄技譬  
如拈題作時文一縷脈縈微妙旨多少詩古文辭家掉  
頭弗屑挂牙齒一朝執筆就繩墨更駕跡弛不成理乃  
知傳神阿堵中慘澹匠心幾生死會稽沈生秘獨擅布



衣徒步長安市我來請作壽母圖

時爲家母寫照

意思安閒拂素

紙詎須九朽始一罷頃刻圖成未移晷懸之粉壁羣聚  
觀三尺小鬟亦曰似信哉茲技有別長弓人之弓矢人  
矢古來絕藝當通都早晚遭逢名鵲起會看待詔金馬  
門繚素揮成進綈几

時將供事方畧館

恭和

御製葉爾羌鼓鑄乾隆錢呈樣元韻

採玉河西藏武功新成錢幣似泉通貢輸寧用千緡重  
文字依然九府同入貫政如網挈網周輪恰此外環中  
從知絕域歸陶鑄誰復金夫不有躬

送倬其南還時方成進士以需次歸里

秋堂餞別菊花杯柔艣輕帆潞水開需次歸終勝下第  
成名日況及循陔經高干佛爭傳誦君闢羣爲時所推山到三神  
輒引迴一事早輸君領取漁莊蟹舍且沿洄

春明浪跡兩狂生幾度聯牀聽雨聲貰酒每爲無事飲  
稱詩相戒不平鳴一驢出入更番用半著輸贏抵死爭  
今日臨岐能不感何時重與話寒更

汪用明以紅袖添香伴著書小照索題卽送之任  
居然砥室擁紅妝此老將無太作狂堪笑長安彈鋏日  
十年閒却老糟糠

劈窠大字彷彿平原曾著書名到禁垣從此更應工楷法  
綺牕驗取折釵痕君以書各長安

一官到手未妨奢莫笑徒從畫裏誇留後西川亦常事  
安知措大不豪華

辛苦京塵客味嘗喜看畫繡乍還鄉忍寒半臂他年事  
先賦瘦妻面復光

翰林院有土地祠相傳祀韓昌黎詩以解嘲

瀛洲署中坎社鼓社公傳是韓吏部建置本末無可徵  
肇祀不知義何取從來名賢歿爲神各視生平所建豎  
或班侍郎居碧落或冊真人位紫府或遯閭羅分殿十  
或封遮須列爵五鬼官司命周顓除太陽都錄魏徵補  
白傳已列蓬萊仙曼卿更拜芙蓉主况公日星河嶽氣  
立朝大節炳千古絕脈能開道學先餘事亦號文章祖

抗疏幾碎佛氏骨從祀不慚宜聖無豈宜罰作土地神  
坐使淮陰噲等伍屈宋詎稱衙官職樂卻翻充皂隸戶  
生前磨蝎坐命官曾謫嶺南蛟鰐浦庸知身後尙踴躍  
無端又遭左遷侮鄉先生可祭於社此地初非公故土  
卽云立社爲樂公公未久修史館簿區區冷官一贅肉  
寧足爲公增華廕我來展謁聊解嘲且勿牢騷頌人僕  
幸未改塑浮屠像潮州有公像作浮屠形巡撫郭青螺易以木主見湧幢小品儒服依然端章  
甫香火祠雖處末僚翰墨緣仍近藝圃猶勝杜陵老拾  
遺變作十姨呼阿姥杜拾遺廟訛爲杜十姨塑女像見夢花洲閒錄

題申橙林桃葉渡江圖

一水盈盈問渡時  
邗溝春色好胭脂  
多情却笑樊川老

翻到吳興設水嬉

姬維揚人

難得傾城一笑留鵲鵲典盡儘風流從知煖老憑燕玉

不用臨風憶傲裘

君自題詞賣裘買妾

瓜步春潮綠半篙綺牕深護撥檀槽江神亦解人憐惜  
不遣狂風作浪高

恭和

御製題職貢圖元韻

披圖迥睹萬方春絕域咸修職貢均

聖世聲靈原赫濯扶輿血氣總尊親聚來玉帛逾千國

唱出臚旬備九賓畢昂街看連界合鰈鵲瑞盡攸關臻

獠狂古貌疑毛女詰屈方言譯舌人禹貢規模漸尙狹

堯封景象寫偏真百川水自朝東海六幕星皆拱北辰  
王會衣冠寧比盛

淵衷彌自凜持循

### 和友人洛陽懷古四首

芳林園

魏明帝因漢舊苑增築後以  
避齊王芳諱改名芳林園

包絡川原禁藥恢令嚴將作鼓聲催也如銅雀臨漳起  
遂使金人別漢來繡轂千蹄官負土紫綬半臂帝登臺  
洛陽他日名園遍風氣多應自此開

金墉城

晉受禪後居  
陳留王於此

另築名都處讓皇洛陽城外又宮牆近非別苑遊春地  
閒似禪家退老堂正朔尙留殷沫土附庸畧彷彿漢山陽

累他一个羊皇后打作鞦韆上下忙

晉惠帝羊后屢廢屢入此中

梓澤園

石崇別業即金谷園

一代豪華擅此園朝朝暮暮最銷魂美人絕色原妖物  
亂世多財是禍根浮白觴前猶舞影落紅枝上忽啼痕  
樓頭一擲終佳話能博蛾眉死報恩

西陽門

石勒擒劉曜處

東西二帝此相攻事往猶傳戰血紅兩陣間分誰盜賊  
六經外另有英雄冰痕早泮靈昌渡鈴語先占替戾風  
千載共知胸磊落故應狐媚笑曹公

納涼

暑坐到參橫微涼猶未生誰知秋有信已在一蟲鳴

皇太后七十萬壽詩

謹序

升恒嘉慶從來率土歡欣仁壽昌期必在太  
和  
翔洽惟國家運當鴻則如日方中斯宮寢福集  
駢蕃與天無極欽惟我

聖母皇太后徽婉如任遇隆馬鄧生

聖人以建極斯躬不自勞爲

大母以垂慈已物無弗被歛時五福用敷錫厥庶民承  
敘萬年俾緝熙於純嘏我

皇上祗適紹聞懋昭錫類非特奉遊觀而歲巡或再  
勤問視則日朝以三凡夫噢咻黔黎登之衽席  
掃犁荒裔慰厥雲霓皆推不匱之仁用切如傷



之隱洵慈孝竝居其至盛美爲亘古所無而休  
和所及者遐景運亦於斯可見茲者璿圖紀已  
玉琯回陽正繡線之添長喜

璇籌之介慶時則重熙累洽世是春臺久道化成人皆  
壽域祁連山外早靖兵塵勃律天西更恢戎索  
萬餘里幅員迥擴數十國鞬譯胥通褒鄂弓刀  
勲名入繪海山鵲鰈職貢成圖加以象緯告祥  
宿離協度二曜煥夫璧合遠叶重光重輪五星  
貫若珠連不數聚奎聚井凡此洪庥紛集總爲  
慶會增歡鉅典用昭隆儀斯備琅函瓊笈雲璈  
金冊之章繡錯綺交日麗珠屏之字綵衣

躬舞節應韶韻瑤牟

親持味分沆瀣月宮翔其霓羽日觀麗其雲鱗鰲鳳  
千盤熒煌燈海魚龍百戲曼衍毬場瞻慶喜之

方新知

壽祺之彌永從此西方壽佛朗映祥光南極老人長昭  
瑞應悉可預推而識要皆必至之符臣忝列詞垣幸遊化宇訢問倍切爲登

萬壽之科歡忭莫申敬效九如之祝敢拜手稽首以獻  
詩曰

延洪嘉慶啟天闔率土歡騰愛日長酒駁瑤觴齊獻

壽律吹玉琯正回陽九華日絢瞳朧采五色雲開紉纓

光共向觚稜瞻氣象早看六幕期榮昌

任如興周

聖德過宮中堯舜掖廷歌雕麟有化沾仁澤簾屏無爲  
養太和禮佛香天慈應普觀民繡句湛恩多璿圖自協  
綿長福見說彤闥髮未皤

萬方尊養奉璇宮

聖主躬修孝治隆鳳輦扈游三月暮龍樓問寢百花  
中迥恢

慈庇開疆索普合歡心祝華嵩千古宮闈多記載誰如  
帝德最淵崇

慶會將看大禮行早傳盛事數年并譯鞮絕徼車書擴

珠壁穹霄象緯明天保詩原連杖杜坤成節怡煥璣衡

從知天錫駢蕃福總助昌期悅豫情

去歲蕩平回部今年有日月合璧五星連珠之瑞

宰地玲瓏錦繡鋪

鑾輿郊苑進

皇都玉清樓觀三

垣象金彩雲霞五嶽圖月窟羣仙衣是羽幔亭廣樂曲

如珠十年一度看嘉會鼂采榮光滿九衢

紺宇琳宮祝福因招提處處寶華新梵天花雨霏空界

經海鐘魚轉法輪無盡燈燃光不夜衆香國護景長春

貂蟬簪紱分行拜祗候

安輿度軟塵

朝臣設經壇祝嘏諸命婦皆跪迎

安輿

鴻臚綵仗引朝儀忭舞千官賀玉墀琬琰載鐫瑤璽

字

恭上

珠璣新織錦屏詞

上親撰聯珠詩言織成錦字爲屏

斗奎文朗先升

秀

隔歲先開萬壽科

綸綍恩多普錫釐

信有

天家稱慶澤

九垓誰不被

洪慈

旬日瓊筵禮數賒食單庭實疊增加千年桃熟瑤池果  
十丈蓮開玉井花杯浥仙人金掌露奩函織女錦機霞  
洵看備物稱隆盛都向 彤墀煥瑞華

上親進  
膳十一日

皇躬自舞玉階前折矩周規行 壽筵節應簫韶儀鳳  
翺輝生冠佩袞龍卷

慈顏怡映爛爛彩

聖慕原同象勺年驗取

天懷訢暢處舉朝孝弟總油然

上親爲蟒式  
舞以侑 壽筵

皓白鬚眉入宴榮功臣畫了畫耆英華胥世界多仁壽

貞觀朝堂重老成黃髮在廷增氣象青山有客頌昇平

唐賢僅得三分一漫擅人間九老名

上擇文武大臣及在籍大臣年老者各九人繪圖

繼香山九老

綵服還增廿日長滿城歌舞慶遐昌香車士女遊蓬閬  
錦帙詞章麗縹緗北斗樽開

顏有喜南山頌叶

壽無疆從看化宇春臺景益擴併幪徧八荒

信識熙朝萬福同

春暉長朗禁廷中候當繡線纔添日律是黃鐘第一宮  
覆笈七籤潢漢上瑤籌滿屋海天東蕃釐總助

皇心豫歲歲歡承晝景融

題畢某蕉陰小照

不須高士竹中逋，別有清陰滿地鋪。  
種得芭蕉三百本，綠天深處結跏趺。

蒲團枯坐似頭陀，靜裏禪心水不波。  
忽漫綠窳飛雨點，秋聲偏覺此間多。

修史漫興

史局虛慚費月餐，古今歷歷作閒觀。  
千秋於我宜何置，寸管論人固不難。  
高燄輝榮紅燭炬，古香浮硯翠螺丸。  
只輸小宋風流處，少个濃粧伴夜闌。

賀秋牀修撰納妾次諸桐嶼編修韻

合歡清醪映玻璃，不唱江南烏夜啼。  
才子名高蓬頂上，

美人家住苑牆西

景山梨園家女

忍將芍藥呼爲婢不用梅花聘

作妻從此消寒憑暖玉禁他殘臘朔風淒

寓舍初移闌綺窗簾衣增護守門厖眉痕親點螺丸黛  
曲譜新傳羯鼓腔卧甕牀頭聲喚幾修書燭下影成雙  
只愁消息聞南國春水防他北上艤

王詒堂編修邀客陶然亭而不及余余是日獨游  
適至遂入座兼訂法源寺看海棠之約

經旬閉門不可耐一壺酒掛僮奴背城南野路確犂行  
破車聲如老翁歎尋幽遂到黑窑廠忽遇掩關但犬吠  
疑有貴家姬妾遊不許旁人見眉黛圍局難爲看竹袁  
興盡欲作廻舟載無端扉啓肅客入一笑原來是我輩



東不我招肯復揚輝塵人迎客以不速倍合歡  
酒惟無量自擇對角歌雖無二八粧具饌不數三九菜  
狂來髮或梳如竿酣處胸已澆無塊地高一徑有曲折  
亭敞四隅少隔礙城上探出西山頭似向鄰牆窺醉態  
纔離人海境便清始覺市塵塵果穢乞醬得酒真太賒  
得隴望蜀不嫌再春風計日到海棠預約祇林重結隊

喜數廷姪孫至京

一肩行李又燕臺握手真堪笑口開束筴卷知今益富  
運粗船記昔同來曾憐白壁完歸趙

前曾入京未就試而返

從此黃金

始自愧早喜述儂家事悉鄉音欸欸簇深杯

買舟同上潞河濱彈指俄驚十四春韶景易馳真轉轂

名場未了又勞薪馬雖識道慚吾老  
雙久蟠泥望汝作不用仍愁艱旅食  
寒官蠶粥共蕭晨

奉派撰文有作

官職原宜翰墨緣叨塵視草候花  
萼楊劉體尙西崑麗唐宋人多內制  
傳蘿荀生毛慚識字葫蘆依樣僅成  
篇相如典冊談何易敢認生平筆似椽

贈說書紫髯

姓黃名周士以說書遊公卿間

紫髯羆貌何醜爾頭寡髮面赤癢  
耑恃滑稽一尺口酣嬉每逐屠沽博  
調笑慣侑侯王酒妙撥鴟絃擅說書  
故事荒唐出烏有優孟能令故相生  
淳于解却強兵走有時卽席嘲座客  
自演俚詞彈脫手張打油詩豈必工胡

釘鉸句不嫌苟但聞噴飯轟滿堂炙輠爭推此禿叟自  
言名隸教坊籍餼段曾供宴燕九華清承直知有無唇  
舌君卿固罕偶君不見石野豬張浪狗絕技俳優侍至  
尊斗珠車帛承恩厚如今 朝廷絕嬖幸不賜歌伶田  
牛畝姓氏漫同幡綽黃詠諧聊附敬亭柳

汪水雲硯歌

入市得一古硯豬肝色有鸛鵒眼二厚寸許長  
四寸有奇廣半之背刻天錫永寶四字其右有  
水雲字乃小篆文左側刻楷書一絕云斧柯片  
石伴幽閒堪與遺民共號頑試憶當年承賜事  
墨痕如淚盡成斑考改蟲齋筆疏知爲汪水雲

硯也水雲名元量字大有以善琴事宋謝太后  
國亡隨三宮入燕此硯蓋承直時所賜故有天  
錫永寶之刻其絕句則亂後追感之作也筆疏  
又謂水雲北征詩有云北師有嚴程挽我投燕  
京挾此萬卷書明發萬里行則此硯亦必攜入  
燕以詩書投瀛國公者然則孤臣遺蹟所寄良  
可寶也乃作歌以傳之

青文丞相有硯玉帶生至今四十四字傳其銘何哉復  
此一片斧柯石再覩天水遺民迹豬肝色映青花斑水  
雲小篆文回環更有七言一章章四句自署頑民同石  
頑硯乎硯乎當日機速房揮檄草慈元殿寫降表爾幸

未與謀完璧得自保  
硜硜鐵筆鏤主恩  
擬作魏公遺笏  
傳家寶何期  
臯亭山畔悲笳鳴  
蝦蟇更盡三宮行  
是時守臣納款宰臣遁  
坐視鐘簴移徙銅盤傾  
西母聰前老供奉獨奮九死隨  
北征此硯亦復不脛而走來燕京  
同隊者萬卷書作伴者三尺琴爲南冠客供清吟故國河山同瓦裂石不能言也  
嗚咽可憐不作高漸離筑壑座

寒徒成朱少章印懷袖熱授書木波師

濠國公學佛爲木波講師

酬韻王

昭儀

木雲有和王昭儀詩

想當搗管濡毫時蟾蜍滴淚和墨研淋漓

卽今五百年來不知幾易主  
一雙鴛鴦眼猶似含漣而從來離黍滄桑際  
多少淒涼難盡誌  
往往或托一人載一器翻抵東京夢華西京記  
君不見咸陽宮中鏡一奩開

元年間錢半字觀者輒爲談遺事况茲孤臣手澤存忍  
弗什襲弄藏亟標識我爲作歌告奕世不同武林舊事  
金瓶羅應比汝社詩人竹如意

秋闈分校卽事

澹墨纔分榜藥香遽持玉尺許評量敢誇眼似新磨鏡  
尙有魂驚古戰場珊瑚網慮疎羅一目經籊欲叩腹三倉  
所期瑞集高梧鳳藉手文章報 廟堂

魚雅衣冠列座分科場責望此番新主司原是蓬瀛長  
分校全聯館閣人文到醉翁應一變莊收陸氏不妨貧  
異時千佛經傳出紙價長安幾倍論

梁觀二主司皆兼院長  
同考十八人皆館閣人

黑白漫漫局未明別裁忍負夙心盟九還可煉誰功到

一筆能勾奈哭聲腕力袖穿風兩肘眼花燈眩鼓三更  
可憐利市襴衫客豈識持衡爾許情

連日西風落葉繁人間渾未識秋痕勞薪已作溝中斷  
戰骨猶留夢裏魂曉擲靈蓍勤問兆夜看雄劍擬酬恩  
生平此味曾嘗遍束筭堆邊手再翻

紙牕雁齒瓦排連怡稱朋儕作達緣選佛廣場兼說鬼

聚奎仙界合談天

諸同人連夕劇談

鼻尖出火歌燈穗舌本翻瀾

沸酒泉捫腹自慚無故實衆中堅坐聽轟闐

分校雜咏

宣名

觚稜淑景日初寅

御紙簽名下紫宸同輩半爲揚解客

宜音無名  
竟最去

至親翻有

向隅人

校官親族  
例迴避

一時朝服班行肅隔夜巾箱檢點頻却

笑門前迴避字主人出後貼偏新

### 赴闕

衣冠一隊出朝來銜尾雕輪輾轉催故友相逢休問訊

諸生旁睨或低徊登瀛數恰符仙侶觀象臺應聚斗魁

貢院近  
觀星臺

此是昔年辛苦地敢將鹵莽答羣才

### 封門

關鎖中分棘院森外簾信息總沉沉官封恰似丸泥固

人望居然入海深粧閣但聞簷馬響圍城不遞紙鳶音

由來選佛場高甚隔斷紅塵路莫尋



佔房

紙牕隣近似僧寮三。面分排判蒹茅幽谷新鶯頻繞樹

畫堂舊燕早投巢

舊曾分枝者多佔正房新進不知則兩廂矣

宵來說鬼常盈座曉

去聞雞爲近庖

房後卽廚

斗室敢嫌方丈地風簷猶憶號帘

敲

聘禮牌

笙詩雅奏鹿鳴筵

賜鑑榮頒錦盒鮮鎔處金分三品

貢鐫來字異五銖錢質精應識披沙苦禮重眞同納采

虔却笑儒珍常待聘今朝何以答求賢

供給單

食品開明等級殊似防中飽落厨夫漫疑乞米書成帖

不比充飢餅在圖日有隻雞公膳半

同考官  
日一雞

夜無斗酒客

談孤登盤敢更求精膳甘藷儒餐分已逾

### 鄉厨

不能烹飪強司厨每一房頭撥一夫聊可燔柴當老婦

偏工媚寵諂人奴

奉奴僕甚謹  
冀分餘餘也

飢腸定有羊蹄踏敝務誰憐

犢鼻污乞得爨餘期撒棘施施歸去傲妻孥

### 刻匠

梨棗先期妙選材手攜月斧入闈來官差獨應詩文役  
儒術偏資刀筆才技比郢斤真善斲文誰庖刃有餘恢  
莫強梓匠徒求食紙貴還期賣榜魁

### 分經

不多數子領羣流餘輩經堂各探籌

擇年資深者爲領房餘皆掣籤占經

多士

未遑談虎觀考官恰似割鴻溝逢來未必專門業分後  
難爲易地謀信有科場如射覆量才人亦聽拈闌

發策

策題分擬戒搜羅不比賢良古制科腹笥愁渠真太少  
記珠笑我亦無多畧鈔兎冊留方便暗度駕針教揣摩  
莫笑與巖編據拾果誰成誦口懸河

刷題

削刷纔完促刷題平鋪棗板襯香泥煤充墨汁三分澹

刷印用煤汁無墨澹也

帶掃櫻毛一剪齊消息怕傳通信鳥限期頻聽

報更雞

刷時恐有漏泄開防甚嚴至五鼓卽須於外簾散趨矣

還愁漫漶文難別監刻輪番

仔細稽

選韻

令甲初添試帖新主司選韻爲臚陳華嚴字母刪奇險  
韶濩詩林取雅馴○义手揮成知幾輩吟髭撚斷定多人  
最先一字休忘却

御筆當頭耀炳麟

欽命題限得某  
字例刻在第一

號簿

不論工拙總須開一例登收待別裁先後就編魚入貫  
妍媸未判鬼投胎絕無名姓偏書冊從此雲泥各判堆  
恩少怨多何必問就中幾箇出羣來

薦條

三寸冰銜鏤刻工卷端鈴與薦書同品題未便無雙士  
遇合先成得半功佛海漸登超渡筏神山猶怕引回風  
吹噓送上吾何德已有人懷感激衷

文几

東西斐几兩排連班序居然十八仙旁列如叅尊宿座

徑圍剛半主司筵

主司方桌考  
官則半桌也

坐皆接席常相肘

每桌皆接  
連不隔吟

到佳文或墮涎也比度人橋一道輪廻何限墜重淵

卷箱

曹倉鄴架漫相同無限精靈闕此中敗卷堆成團扇篋  
佳文貯卽碧紗籠封題怕有冤啼鬼扇鏽如防氣吐虹  
待士衣裳原在笥問誰破壁去飛空

紅燭

五色迷離晚退堂  
例燃紅蠟照昏黃  
文星倍覺增輝映  
官體從來取吉祥  
恰照朱衣人現影  
不容硃卷字分光

閨中傍晚  
卽不閱卷

別憐矮屋蠅頭字  
剔盡寒花夜未央

藍筆

中書不判五花工  
凝碧池頭染翠融  
欣賞情同青眼客  
別裁權亞黑頭公

主司用  
墨筆

澹痕豈向眉添黛  
濃抹何須帛

勸紅却笑出藍片  
幾輩異時若箇最葱葱

落卷

幾陣雲烟過眼輕  
案頭堆疊太縱橫  
落花退筆全無艷  
食葉春蠶尙有聲  
沉命法嚴難自訴  
返魂香到或更生

閤投未必皆珠琲無限人間歎不平

副卷

去取真看雞肋如棄之可惜味無餘我憐絳木旁驂馬  
人比登盤半面魚文彩原輸全豹變姓名休笑續貂書  
側生荔子香雖減猶勝西風落葉疎

撥房

中額難均數迥懸按房哀益主司權未妨螺贏艱生子  
笑比琵琶別過船梁上燕飛移故壘擔頭魚去剩空筌  
臨分不用增惆悵三宿浮屠也結緣

撥房後舉子於原薦官仍修門生禮較所撥之房師

更親也

諭帖

放榜前三日各房官發諭帖令家人至期以車來接

匝月嚴扃絕寸箋忽揮僅約出闈傳定知書到堪金抵  
却命車來以賄遷供給所餘皆載以歸露簡不封書半草冰銜自寫  
筆如椽還同路引經關監點驗層層始放前

### 填榜

堂吏聲高唱拆封關防加密鎖闔重掀髯劇喜名流出  
防口深愁熟客逢星斗光連千炬火魚龍氣動五更鐘  
榮觀最是填魁候六幕文昌景倍濃填榜畢乃補填五魁則萬樹齊輝亦奇觀也

### 謝恩

朝房冠佩雁行排放榜明朝詣闕皆報國文章聊可藉  
儒官職役此爲佳求師已有襴衫客逢友多誇玉筍簪  
稍遜皇華人復命親承



天語卽瑤階

門包

紅壇名紙認師生執贊儀文草草成脩脯自行原有例  
錙銖必較太無情士如畫餅寧供啖我亦荒莊敢取盈  
莫以淺淺薄羔雁窮經人本少金籀

房卷

校官各自有房元試牘從排似弟昆十數名分新雁塔  
一家人聚小龍門文如和韻詩連刻交比同年誼倍敦  
師說誰堪傳枕膝十年詩法要相論

次韻戲咏藍筆

未解題紅葉常教蘸碧甌墨朱俱不近皂白總能酬蠅

不污人壁螺寧糞佛頭由來管城子封邑在青州  
架少珊瑚製牀宜翡翠鐫幾行分漢幟數點散齊烟禿  
到三條燭圈成萬選錢聚奎清闕處直作蔚藍天  
此卽量才尺君看點竄加清漪縈翰藻綠葉繞心花裝  
恰宜斑管籠偏隱碧紗所愁批抹處如縷數行斜

卽事

貧官家無僕婢用有時澆花自抱甕燔柴老婦雇來驕  
倦卧厨頭呼不動拙妻一旦學豪奢典衣買得雙鬟了  
先生聞之大弗喜累我長安多索米君言此女七分姿  
好比香山楊柳枝待他十五盈盈候莫又回嗔作喜時

陶然亭

聯騎城南得近遊  
虛亭遙倚女牆幽  
蓼花紅間蘆花白  
一片江南八月秋

爲北墅題歲寒三友圖

歲晏論清賞  
朋簪別有緣  
物偏交耐久  
世但壽高懸  
拗雪寒香澹  
餐風晚節堅  
雀羅門巷冷  
吾與爾周旋

拂珊京少寓舍汪文端師故第也旁有小園師題  
曰時晴齋舊嘗分賃他人京少今并僦之賦詩  
屬和卽次其韻

連牆增僦屋三楹  
邱壑無多自著名  
庾信有園寧厭小  
邱成分宅喜仍并  
看花近不愁春冷  
退直遲尤愛晚晴  
竊幸卜居隣近在  
幽尋不用主人迎

余寓此  
椅樹欄荷

滿架藤蘿覆曲欄蕭齋便作綠天觀有人硯北吟殊穩  
此境城南覓頗難一簣山仍藏宛委十年樹已歷暄寒  
稍嫌池水枯如拭好借先生學海瀾

枝棲借我曾先

戊寅歲余  
嘗寓此

十載師門感宿緣燕子幾經

移故壘楊花依舊舞輕綿壺觴韻繼圍棋墅花月春消  
拄杖錢勝地喜歸風雅客可知林壑要人傳

聞友人有以家難繫獄論罪悼之

一別休文七載更傳來消息劇堪驚兩邊夾食黥奴而  
半夜呼囚獄吏聲事異韻羹銜嫂怨情同冒刃代兄行  
側聞對簿銀鐙日祖德頻號血淚橫

年少清才脫穎如翩翩健筆欲凌虛何堪斷送園扉土

誰爲經營廣柳車三木囊頭猶覓句千金牘背豈成書  
鄉邦英彥今摧折痛絕幽蘭一本鋤

姓名并不齒齊民枉費騎驢踏軟塵褫後儒冠人貯溺  
春來城旦鬼催薪茹刑不借蚺蛇膽推命空餘磨竭身  
觀過知仁公論在共憐熱血鬱輪囷

遂使斯人罪廢終兼憐生計覆巢空衣緝搜括書驢券  
兒女流離拾馬通逐食眞陪卑院乞代行難雇病坊充  
刑餘著述終期沙葉在名山尙未窮

里中杭生汭潮先友杭雲龍之子其兄延宣又余  
五友中之一也父兄皆歿來京相依詢知先友  
黃季游楊新友及潘本仁諸老人相繼物故感

賦二首

父兄皆棄世千里一家拋年僅逾髫髻  
貧思覓斗筲世無朱郭俠我忝紀羣交  
相對惟滋愧無能代治庖桑梓懷耆舊  
頻年感逝波昔遊如夢短新鬼比人多  
名僅聞鄉里身皆老輒軻柳州先友記  
石表待鐫磨

潞河卽事

無計留歸權衰親憶故園老尤憐少  
子貧愛住荒村柳線遙波綠蒲帆急  
雨喧從今增旅夢長繞舊蓬門親老  
宜歸養無咳可採蘭賣文爲客賤乞  
米向人難別又成千里貧終戀一官  
片帆南去駛悽絕潞河干